

野史

三十五

第一百卷 武臣列傳
 土岐賴康
 第一百一卷 武臣列傳
 一色詮範 澁川滿頼
 第一百二卷 武臣列傳
 佐竹義仁
 第一百三卷 武臣列傳
 赤松義則

和書門類

~~一〇三五六~~
~~一二四~~
 九架
 一〇〇册

内閣文庫	
番號	和 10356
冊數	100(35)
函號	269 35

内閣文庫	和書
一〇三五六	類
一〇〇册	
二六九函	
一五架	



A 1 2 3 4 5 6 7 8 9 10 11 12 13 14 15 B 17 18 19

Kodak Gray Scale



© Kodak, 2007 TM, Kodak






共百
和辛三百九十二號

校正

野史卷一百



武臣列傳第八
土岐賴康

詮直

賴春

飯田忠彦 修
男 文彦 訓點
竹中邦香 校

土岐賴康。姓源氏。美濃人也。鎮守府將軍賴光玄孫
光信。始族稱土岐。子孫割居美濃。支流繁衍。光信八
世賴清。

○今按土岐系圖。賴清或作光定子賴貞弟。然則
爲七世孫也。姑從藩翰譜。猶當考。

野史卷一百

為左馬頭。兼伊豫守。土岐圖、民部大輔。藩翰譜、備應足

利氏召將赴京師。途病卒于攝州芥川。系圖、賴清有多

子。賴康其長子。代叔父賴遠。任美濃守。補尾張伊勢

守護。尊卑分脈、源氏系圖、屬足利尊氏及義詮。追尊氏

殂。薙髮。更名善忠。日本史、太

叙從四位下。系圖、築革手府城。濃陽戰記、元中元年二月。卒。

歲七十。號建德寺。常樂記、行馬記、武家譜、養弟賴雄

子康行為嗣。土岐家聞書、南方記傳、

康行。本名義行。歷刑部大輔。大膳大夫。系圖、賴康卒。而

襲伊勢美濃尾張守護。傳、元中五年五月。島田滿貞。

傳記

代兄康行侍幕府。有奪嫡之志。潛廻計策。構讒。謂從弟詮直懷異謀。詮直為康行女婿。併愬曰。征討如遲緩。則康行黨詮直。事不易矣。頻訴不止。遂坐詮直罪。以尾張守護賜滿貞。滿貞如尾張。與詮直遇于黑田。戰。康行憤詮直無罪而被譴責。援助詮直。滿貞復訟曰。康行黨詮直。於是幕府使一族賴益討康行。國史實錄、

○常樂記云。嘉慶二年五月九日。土岐左馬助。尾州黑田合戰。擊死。今按左馬助未知為其誰。蓋滿貞詮直戰于黑田之日矣乎。

新編 武家傳記

二

六年二月。京軍入美濃。康行晦跡。傳八年十二月。遇赦。從內野伐山名氏清。滿貞先構讒。而後每戰不克。欲雪其恥。從內野之賊。自謂傷馬二處。自獲首級。雖然此戰白晝。而不可掩。實滿貞奪敵乘馬裝已鞍。且拾棄首。事發覺。眾彈笑焉。明德記。南巡狩錄。子康政繼。為右馬助大膳大夫。襲伊勢守護。族稱世保。康政子持賴。刑部少輔。大膳大夫。圖。永享元年。伊勢國司北畠滿雅叛。持賴督軍。與滿雅戰于岩田。滿雅軍敗而死。傳。巡狩十二年五月。一色義貫遇讒。被殺于三輪。持賴亦為細川持常自殺。富麓記。系圖。巡狩錄。濃陽戰記。

賴世。本名賴忠。賴康弟也。大將軍義滿命為長兄。賴康後。系圖。土岐家。聞書。以居美濃池田郡。為族稱。圖。系圖。為刑部少輔美濃守。譜。系圖。武家。聞書。屬足利氏。有軍功。家中。竹馬記。弓馬及鷹。武家。譜。應永中卒。法名真兼。號禪藏寺。系圖。武家。馬記。有十一子。長光忠。字太郎。族稱田海。次賴益。次某。字三郎。族稱大須。次賴音。上總介。族稱西鄉。次光康。右馬權頭。次光兼。伊勢守。住尾張知多郡鷺津。族稱鷺巢。次賴名。駿河守。族稱大桑。次某。加賀守。次賴綿。尾張守。次賴鄉。次為僧。系圖。武家。譜。賴為。初字二郎。領尾張萱津。族稱萱津。津。野。或。為左京

野史 卷一百 三

太夫。美濃守。系圖、武家譜元中六年二月。伐同族康行。大將軍義滿賜美濃守護。為土岐家督。竹馬記、開書應永六年。歸國伐支族詮直。及池田秋政平之。足利家譜、廢城考、後太平二十一年四月。卒。法名常保。號興善院。武家譜、竹馬記、聞子持益。

持益。小字但法師。更二郎。大將軍義持授諱字。任左京大夫美濃守。叙從四位下。系圖永享十二年五月。依府命。攻同宗持賴于大和。滅之。土岐正統是時斷絕。持益以為氏族受命。賜總領職。徙居革手城。濃陽記文明六年。卒。法名常祐。號承國寺云。武家譜、竹馬記子持兼。字

太郎。蚤死。無嗣。養成賴為後。

成賴。小字二郎。實饗庭義枚子也。或作一色義範子初持益

子持兼早死。齋藤利永入道宗甫。媒介以為嗣。濃陽記

歷左京大夫。美濃守。武家譜、開書、竹馬記應仁變。黨山

名宗全。足利家譜、後太平記文明十八年七月。大將軍義尙大

將拜賀。從陣遲怠。以他人不可列有譴命。憑細川政

元謝焉。長享元年九月。徙江州南郡如故。竹馬記、開書明

應五年秋。剃髮。號宗安。令子政房繼家。自徙城田莊

閒居。戰記六年四月。卒。法名宗文。號瑞龍寺。武家譜、國

馬書、竹記子政房。次定賴。濃陽戰記兵部大輔。族稱大桑。

次尙賴。字三郎。族稱佐良木。次元賴。字四郎。族稱長山。成賴最鍾愛元賴。爲芥大權現山城主。母氏竊勸成賴。謀廢嫡立元賴。與石丸利光謀合。明應三年十二月。將殺政房暨齋藤公將僧都于大寶生寺開堂。事發覺。五年七月。元賴利光入城田寺自殺。戰記。政房嗣。

政房。本名賴繼。小字美美或花。伊法師。更二郎。長享三年。從父如京師。大將軍義政授諱字。改今名。藩翰譜、備考、系圖。爲左京大夫。美濃守。系圖、武家譜。永正十五年春。國有亂。政房避難于越前。大將軍義植畀書於朝倉孝景。

令政房得歸國。實錄。十六年六月。卒。歲五十三。法名宗壽。號承隆寺。系圖、武家譜。子賴純。本名政賴。或盛賴。字二郎。爲左衛門尉。美濃守。有度量。父政房舉西村勘九郎於旅賈。頻登庸之。賴純議有其不軌之量。密謂父曰。渠面頰異常人。恐生篡逆之變。請君勿親昵。乃命停出仕。勘九憤惋。謀作亂。當是時。賴純弟藝賴質性暴勇。有奪三軍之氣。弱冠好風雅。能達武。勘九求便阿諛。結交相親。密勸廢嫡。藝賴嘗懷奪立之志。胥議急起兵。襲革手城。郡下兵士未迨來救。賴純力難敵。避遁于越前。寓朝倉義景。實永正十四年也。勘九改

族及名。稱齋藤秀龍。威震遠近。天文十五年。賴純與義景發兵。欲伐秀龍。入美濃。不果。明年遂卒于大桑。次藝賴。次治賴。美作守。爲常州江戶崎城主。次光尙。民部大輔。世爲梅戶氏。嗣後。憑武田氏。移居甲斐。次光親。或作光周。字五郎。族稱掛斐。次光建。或作光就。字六郎。族稱鷺津。次賴滿。字七郎。爲秀龍被鳩殺。次賴香。字八郎。初秀龍欲殺賴滿。賴香迎取美婦于京師。以爲子。送二人。欲謀殺。賴滿敏捷。少察之。故鳩焉。天文十二年。及織田信秀侵入。賴香在羽栗郡無動寺邑。爲秀龍士松原源吾被害。戰記。

藝賴。初字二郎。稱左京大夫。美濃守。系圖。武家譜。初藝賴與西村勘九郎謀。逐兄賴純。而徙居革手城。後築大桑城於山縣郡。居之。使長井利隆爲城代。眞之革手城。迎接佗邦使者。令餘衆未通大桑。而勘九獨寵遇日熾。遂弑其主長井長弘。自更族稱長井政利。字新九郎。又改稱山城守。名秀龍。族齋藤。眷遇益渥。以內外國事委之。秀龍嘗有異志。其選衆也。其與己者。雖莫功勞。賞賜。聊有遠慮者。讒諂以陷之。藝賴亦不辨正邪。刑罰屢起。國郡爲之騷然。藝賴適子太郎。與掛斐光親竊議。將除秀龍。數諫藝賴。弗聽。太郎歲尙雖

幼頗有勇機。私欲誅秀龍而救掖塗炭。或日與親族及部下童學射。秀龍騎而過不禮。太郎及小里孫太郎。原彌二郎。蜂屋彥五郎數輩。挾箭追之於城中。秀龍荒言粗暴。殆廢君臣之禮。村山市之丞等。俟其退食于軒廊。將殺之。迨宵秀龍退出。暗斬之。秀龍嘗熟擊劍法。翻身飛而去。他日構讒謂曰。御曹司及掛斐殿密謀弑逆。御曹司歲未壯。光親勸誘。將篡家國。君請圖之。藝賴疑惑未果。光親亦謂藝賴曰。臣嘗與六郎詣瑞龍寺。過鳥羽新路。與秀龍遇。秀龍騎而不禮。橫行而去。六郎揚策進。到山田邸下。失其所往。嘗輕

蔑世子。慢侮親族。荐誇君寵。忘失昔時卑賤之軀。非義悖戾。遺憾莫窮。請獲渠而甘心矣。藝賴聞斯言。益信秀龍而疑光親等。且密欲加害。林道政。杉山政道。佐倉忠正。真野吉重等諫曰。自古信讒行殺。後悔者最爲不妙。請勿漫納焉。藝賴依違。秀龍屢窺間。浸潤譖愆。藝賴意遂決。太郎傳村山藝重。國島隆重。中島正宣等。迎入太郎於村山邸。護衛焉。秀龍聞之。遽勸藝賴。令發兵襲之。村山屬原。明賀。中條等。張屯于東西以拒之。秀龍歷木田。而陣于改田。藝重等屯于鶴飼山。戰于廣野。秀龍兵敗。死傷者多。光親。光兼。原光

七

廣谷光俊等援藝重大擊秀龍軍。織田信秀聞之遣
人和解。佐佐木定賴朝倉義景等亦來令交和。秀龍
猶危懼。幽太郎於村山邸。尋秀龍入道號道三。猶執
國柄。威權日盛。藝賴勢彌耗弊。天文十一年八月。道
三起兵急襲大桑城。藝賴頃年擅用道三。疎斥宿臣。
衆心離畔。及事急來從者。僅二千餘人。道三所率都
二萬餘人。自二十一日。攻擊四日。殺傷相當。藝賴無
援軍力撓。其夜纔與七人。從篠賀口。逃抵岐禮鄉。所
從士卒多遁。道三進逼岐禮鄉。有河村圖書者。送書
於山本藝興曰。請擬藝賴死。則罷兵去矣。藝興乃積

薪于井野。積投火。相呼曰。藝賴已歿。今葬焉。衆乃散。
藝賴即走遁。越前而謀恢復。朝倉義景竊有乘隙奪
美濃之志。藝興察勸藝賴逃上總。憑同族萬喜賴尙。
賴尙邀之。構館令婢妾仕養焉。藝賴遂患眼。爲盲。剃
髮號宗藝。戰記

○國史實錄云。天文十七年八月。藝賴本書作與

其子賴充而入洛。謁大將軍義晴。而間居。賴充繼
家。以道三女爲妻。由是國中暫靜也。十一月。藝賴
賴充出大桑。放鷹野遊。齋藤道三伺其間。襲取大
桑城。賴充死之。國人忿罵曰。弑君殺婿。昔時有長

田。今有道三。藝賴僅免奔信濃。到甲斐。依武田晴信。○廢城考載。天文十六年。齋藤利之與土岐氏重臣相議。逐藝賴。藝賴走尾張。憑織田信秀。乞歸入。信秀率兵。再歸大桑城。○武德編年集成作藝賴爲道三所逐。元龜中。漂泊在甲州。○信長記載。藝賴爲道三被追。奔尾州。依賴信秀。信秀實諸熟田寺院。遣人諭西方三人。氏家。安藤。稻葉。三人俱戮力。天文十七年八月。起兵入多藝口。縱火侵伐。春日丹後守。堀田道空。依平手清秀。清秀與諸老諫信秀。使藝賴復住于掛比谷。○野史氏今考。其

去國之年月。諸說紛紜。姑從濃陽戰記所載。而書亦雖非無疑。未得明徵。故附以俟後考。

天正十一年夏。稻葉長道存君臣之誼。迎入藝賴于岐禮鄉。給穀三百石及侍婢。是年冬卒。時歲八十二。法名文關。號東春院。武家譜、子某未詳其名、字太郎。爲齋藤道三所幽。次賴秀。或作元、字二郎。次賴香。字八郎。

○野史氏今按。太郎名無所考證。賴秀。賴次。其字稱二郎。兄弟而同呼有疑。故姑附焉。賴香又作賴秀。字小二郎。爲織田信秀烏帽子子。後改名賴榮。稱官內少輔云。

次賴次。次賴宗。四郎左衛門。後號道菴。次賴重。字七郎。族稱齋藤。一本土。賴次賴師。初字二郎。稱左馬助。左京亮。後入道號見松齋宗之。居京師。天正中。父宗藝臨其病篤。遣人讓與累世家傳旗幕系圖。綸旨教書等于賴次。年系圖。戰記。武德編。國志。賴次子賴勝。稱左馬助。仕東照宮。從大坂冬夏之役。賜美濃河內田一千石。列高家。叙從五位下。後更內匠頭。土佐守。子賴直。賴直子賴清。相嗣列高家。叙從四位下。任侍從。稱出羽守。其子賴恭。稱兵庫。繼家。寶永三年七月。坐有狂疾。沒收食邑。諸家譜。斷。

詮直。國史實錄。作光名。伊豫守直氏子也。應永六年。大內義弘叛。詮直與池田秋政應之。率騎兵七百餘。發尾張而入美濃。一族賴益在和泉。聞變歸國。詮直及秋政與之戰。秋政軍敗而死者二百餘人。詮直避兵入長森城。足利家譜。廢城尋亡。系考。南方記傳。賴春。族稱萬喜。以為萬喜城主也。祖父曰賴房。上海總國。雄寺墓。碑名作賴元。美濃土岐之族也。其宗衰耗。家○房總記。作為弘。政乖亂。去國而修行武業於佗邦。寓安西氏。而屬里見義豐。每有戰為先鋒。稱彈正少弼。蠶食總州。築城于夷隅郡萬喜據焉。松窓漫錄。明應元年五月。卒。墓銘。

○房總軍記載。土岐賴貞初微。而受敵于四面。支戰殆無虛日。里見氏及根古屋。勝浦。長南。長北。一宮。八幡。長志等皆為敵。接戰不屈。

父曰賴定。房總記及墓名作爲賴稱彈正少弼。入道號慶含齋。

天文二十一年秋。北條氏綱遣人招賴定及椎津城主信正。未詳其姓字曰。如來服。割足利義明舊地之半。封

之兩侯。賴定不從。信正應之。是歲十一月。里見義堯起兵攻椎津城。賴定及正木某為將。急薄城壁。信正

自殺。城陷。房總軍記。以天正十一年四月卒。法名海雄嚴心。號慶含院。墓名。賴春繼。稱右京大夫。父祖三世相傳。

侵掠近郡。武名稍張。領邑殆充十萬石。累年統內無水旱疫災之憂。民饒兵強。或率兵千四百。巡撫邑內。而抵郡境。當是時。結城氏在宇都宮。將來伐。出兵遇之於路。其兵可七千。賴春自若不動。芳野主計曰。今當大敵。有奇策否。曰。十死一生之備也而已。問其故。對曰。非謂備形。在將帥之慮。令衆難使知也。乃命分作二隊。與主計掌之。自列前隊。勇銳央然。一接得克。敵敗走。依地利而屯。敵聚散卒。將再戰。見賴春雖兵寡。將剛令嚴。不戰而去。碎玉話。賴春始與里見氏通姻。及鴻臺敗。叛而屬北條氏。令一族三品圖書助。大曾

根右馬允質于小田原。鶴見彈正忠以鶴城。高井季房房總記作秀勝以龜城來屬。武威稍張。雖祿邑不宏。兵士不多。東州傳呼稱萬喜少弼。頗有武名。錄。漫先是永祿六年。北條氏康遣人厚憑賴春。賴春對曰。請辭之。惟爲其所請難默止。斷里見氏可自立耳。嘗氏康與里見氏抗衡。且與賴春不協。檢視時窺房總之地。復能識察二州之地理。是相之三益也。鴻臺之戰。里見義弘疑賴春及椎津兵有貳疎斥。賴春亦不懌。故不會戰。終相覬覦云。天正十二年二月。里見義康使其族下總守及薦野賴俊率兵踰三浦。攻綱代城。賴春

遣兵拒之。當是時。正木左近出勝浦。而狙察其虛。急襲小濱城。拔之。賴春代官鑓田美濃守忿。急攻而復之。房總軍記

○房總軍記載。天正十六年九月。里見義康以正木賴綱爲先鋒來侵伐。迄勝浦小濱。賴春督出陣于蚊壺澤。使鑓田美濃守於小濱城。加治有久於鴻臺。又令麻生主水壓一宮。山中甲斐守陣于火子坂。備長南武田信秀而迎戰于八幡山。蚊壺澤伏兵。夜大擊卻之。

天正十七年夏。北條氏直欲鎮平山東八州。募統下

將士賴春附騎兵三百於三品大曾根從焉。嘗武田信榮繼其父信熙屬里見氏。屢與賴春戰。彼是未決。當是時。信榮謂萬喜氏分兵士於南方。城中必微矣。自以有疾。令老臣多賀六郎左衛門率騎兵千五百來伐。信榮警曰。敵兵設令雖微。城壁險固。輒不可拔矣。如延滯則鶴龜二城必後援。不如速建功矣。以夜驅使分兵。抑佐貫及鶴城。審示其謀。四月二十二日夜。卿枚裏甲到。隔一小河布陣。先是長南兵來攻。遮戰之於半途。克之。故謀不意逼城際也。城中邏卒望見歸報。夜將黎明。賴春上樓。令士卒縱矢丸禦之。敵

肉薄附壁。塹城兵奮力捍禦。矢盡城主淺生主水正驅聚土民後援。多賀六郎更整隊力戰。賴春被官山中甲斐守熱田丹後守等率兵夾擊。長南兵犯夜歷長途。前後支戰。士卒疲憊。銳氣蹙撓。部伍亂離。或擊之於險要。長南兵死傷者多。遂敗走。

○房總軍記載。武田信榮自將兵陣于松尾。五月上旬。乘夜涉水薄城。二日。加治麻生後援襲松尾。信榮軍敗。殆危急。臣多賀六郎左衛門死之云。

里見義康本書作義賴誤矣故訂之聞之。使堀內城主安西遠江守丸城主山川豐前守爲兩督軍。騎兵千五百餘。六

月按房總軍記作入上總陣于内野鄉著杉。賴春聞之曰。敵已入我境。城居與之戰。似莫謀慮。不如拒之於中途。以決雌雄矣。迺令鶴見平四郎等備長南兵。自將兵九百七十。出于保良坂。遠江等望見。將斷後路。夾擊。擇鄉導。分兵三百餘。令廻後路。土人等告之於保良坂。賴春命夜半潛拂陣。踰空穗坂。發坂嶺。督部隊而竅敵。次日平明。遠江等臨保良坂。無一人以爲逃走。將追伐。馳驅。發坂嶺上。賴春旌旗翩翩。整部嚴備。猶豫不進。遠江揮麾。令衆縱矢。玉大戰于坂半路。賴春分銃手從尾碕橫射。房軍敗。遂潰走。萬喜兵

死者僅十六人。獲敵首百七十五級。是日。房人所遺棄。器甲弓劍。悉拾聚埋此地。是稱曰弓折墳。漫錄賴春入道。號道鐵齋。未詳十八年正月。正木賴綱率兵急來攻。道鐵伏兵於刈谷原。逆擊。賴綱奮鬪。收軍而歸。根小屋。房總軍記是秋七月。北條氏亡。本田忠勝等兵數萬。徇山東安房及二總。國人各議行成。初胥謂彼是俱扶翼。以可試。畿甸弓箭也。而聞忠勝等入國。師都五萬于下總。十萬于上總。衆議忽潰。爭先逃走。佐貫東金等。四十八城皆避去。賴春入道道鐵亦焚城。乘船于小濱浦。奔參河而死去。房總軍記忠勝受封。拘萬喜

卷一百
十四

遺臣。且視地圖。隍壘準繩。感稱曰。實武練之所爲也。
云。漫錄。

○野史氏今考。萬喜海雄寺墓碑銘云。右京大夫
賴春。以天正十八年七月初一日卒。法名明窓道
哲。號勇勝院。據之考則與房總軍記所載乖異。萬
喜土岐氏之來由記傳所載。與里見氏。武田氏。及
諸處之戰爭。年月事歷乖違者多。非無所疑。然未
得其明據。故姑附以俟後考。

定政。美濃人也。父曰定明。逸史。或作定朝。稱兵部大輔。其先
出自出羽守光信。光信六世賴貞。任伯耆守。入道號

存孝。其子賴基。稱土岐九郎。賴基子賴重。字彥九郎。

仕足利氏。住土岐郡明智里。族稱土岐明智。土岐系圖。武家

譜。叙從五位下。任民部小輔而卒。子賴篤尚幼。賴重

弟賴高。受兄讓。繼其後。復讓家督於賴篤。賴篤與一

族從幕府。討山名氏清。而保金本領。系圖。賴篤八世賴

明。賴明子定明也。定明天文二十一年。美濃國亂。戰

死。系圖。武家譜。逸史。

○藩翰譜云。源君美按。織田信長併美濃者。天文
十二年。迨十三年也。蓋定明去國。而後在他邦而
戰死矣乎云。

定政時僅二歲。母懷奔參河。依賴菅沼定仙得長。武家譜、國史實錄、藩翰譜、廢城考、小字愛菊。永祿七年。十四歲而退私錄稿。廢城考、初仕東照宮。冒菅沼氏。更字藤藏。系圖、武家譜、實錄、廢城考、龍遇。賜食邑於駿州長沼。先賜大野鴨谷。武家譜、廢城考、七歲初從軍。此時東照宮命使定政著甲。定政辭。召而命之。而後掛川。箕作。姊川等皆從軍。元龜三年。味方原之役。甲人追躡太急也。定政時歲二十二。見敵襲來。乃回馬拒戰兩三回。東照宮廻轡止之。不可而入敵。獲騎首。會有朋入敵失馬者。請後乘。定政不聽。其士曰。見人之難不救。則雖勇而不仁。且吾子佗日

建功皆空矣。於是定政回馬頭於敵。令後騎而還。東照宮聞怒。將誅其士。定政爲哀請得赦。每軍陣扈從。或後乘。或先驅。迄天正九年。從持舟與藤枝之中間。水野彥九郎與敵三騎戰而死。定政直馳斬其敵首。收彥九尸而歸。武家譜、藩翰譜、十年。轉賜食邑于甲斐。廢城考、十二年。小牧之役。定政捕敵斥候。或介卒二十三人。具察其謀議。而東照宮向轡于長湫。或諫止戰。定政曰。今日不戰而期何日哉。率一從者先騁。池田勝入超其前隊而競來。定政往山尾。與城意菴謂曰。予將欲折彼來銳。言可待焉。果有進者。定政揮槍刺其三

騎從者亦獲首一。併得四級。成瀬正成亦提首來會。尙駐而支戰。從者馳繼。遂爲一隊禦備。勝入前鋒。乍潰敗。軍終而後遣傳命之士。窺視敵之緩急。歸報曰。敵將來矣。東照宮命定政令再視。歸報曰。彼皆脫胄晚食。及曉必來矣。遲則取敗。請速徙營于小牧。或曰。勿移。官納定政言。遽徙小牧布營。天明羽柴秀吉果進師。嗟嘆而去。東照宮召定政曰。汝今日欲見危致命。其折來銳。其挫堅兵也。所無倫之可以比焉。以寡勝衆之謂汝是得之。故能措營於泰山之安。以令無恙也。一軍之戰功。都在汝一身。若微汝中營殆危矣。

時大久保忠鄰侍坐。召而曰。藤藏之軍功。不啻今日。未嘗每交戰無其功也。或有使孤乏旗幕之備。附屬于彼。能帥之如孫吳。此時孤心泰然無憂也矣。乃以與力三十六騎附定政。武家譜十八年。假守關宿城。賜相馬郡。下田一萬石。武家譜文祿二年。復土岐氏。叙從五位下。稱山城守。系圖慶長二年三月卒。歲四十七。系圖譜。法名真菴源空。號增圓寺。系圖子定義。號考定義。初字與五郎。繼父。慶長五年。從台德公于上田。七年。佐竹義宣遷封也。與松平康重如常陸。假守水

野
北
卷一百
十七

戶城。義宣臣車猛虎者。竊延逋亡徒作亂。乃遣兵捕之。亂平。而叙從五位下。稱山城守。元和三年。徙高槻攝津城。食邑二萬石。踰年而卒。歲四十。系圖、武家譜、潘翰譜子賴仕入道。號宗豐。二男賴股嗣。賴股本名賴隆。又賴澄。初字兵助。更稱兵部。近侍嚴有公。叙爵。稱伊豫守。後改丹後守。累歷職署。元祿四年。爲大坂城代。叙從四位下。正德二年。免。賜田中駿河城。先是加邑祿。食三萬五千石。明年老。子賴稔嗣。賴稔。本名賴俊。叙從五位下。稱丹後守。歷奏者番寺

社奉行。享保十五年。爲大坂城代。進從四位下。十九年。爲京師所司代。任侍從。寬保二年。列老中連署。延享元年。病辭職。弗聽。五月。遂卒。歲五十。法名眞巖。道如。號乾光院。系圖、潘翰譜、續篇賴稔爲老中。登營間。松平信祝曰。我見同職。肩輿每來往奔驅。未知其所以。是何故事也。與信祝對曰。路途設有就訟者。則不可避。故爲令不能就也。賴稔曰。如斯則我否。夫訟獄者。國政之一事。爲裁正邪也。苟居其職。避之。則踈職務矣。佗日。我不可馳驅。松平乘邑在側。謂曰。徒非其事而已。居常奔馳肩輿。爲人不知。公事急緩也。滋家手錄、公實殿祕錄

初任京職。聽訟之日。四條五條町吏訟曰。有白木長櫃一棹。前宵漂流河水來。固以錠鎖。未知其故。訟之。賴稔命令解錠。中有白幣帛二握。賴稔曰。衆等雖恠之。莫敢有異矣。有人造而棄之矣。置櫃去。乃下令曰。嘗聞四條有遊戲場。以長櫃故。勿令交戲藝。若犯之者。處嚴科。莫赦焉。後聞戲場工者。欲交戲藝。巧構焉。衆服賴稔叡智云。政手錄大岡子賴熙繼。稱伊豫守。子孫今治沼田野上城。相傳世列侯籍。

野史卷一百終

野史卷一百一

飯田忠彦修
男 文彦訓點
竹中邦香校

武臣列傳第九

一色詮範 藤長

澀川滿賴

一色詮範。姓源氏。足利泰氏七男公深。住參河國吉良莊。一色始族稱一色。爲宮內卿。律師阿闍梨。號大。夫法師。是爲一色氏祖。公深生義氏。範氏生範光。範氏爲丹後守護。一色家譜。生詮範。詮範任兵部少輔。左京

野史卷一百一 十九

大夫。家譜、若狹國正平二十三年。爲評定役。後太平記建德二年正月。攻能登野一揆。而歸西津。五月。亦擊賊悉平之。守護次第元中八年十二月。爲大將軍義滿前軍。伐山名氏清獲之。足利家譜、南方記傳、若狹國守護代年數、且諭諸將。若狹國稅所今富名領主次第、國史實錄、各討其餘寇。殊賞詮範父子勳功。而滿範食封之外。擇大莊爲詮範食邑。實錄應永二年六月。剃髮號信將。守護代年數、十三年六月卒。守護次第、若耶群談、子滿範。爲兵部少輔。右馬權頭。修理大夫。家譜、守護次第、明德三年正月。封丹後國。足利家譜、丹州三應永八年四月。削

髮號道範。守護次第、領主十五年六月。蠻舶漂著。其主曰亞烈進。卿番使使臣。其所贈生黑象一。山馬二。孔雀鸚鵡各二。偶十一月。會暴風。破裂蠻舶。次年。命造船遣歸。今富名領主、次第、十六年正月。卒。守護次第、筆談、子持範。初字二郎。爲式部少輔。稱北野一色。家譜、古貫次持信。義貫本名義範、或作直信、初字五郎。應永十八年六月。與兄持範講和。持範分領丹後。義貫領若狹。年數、是冬。任兵部少輔。領主、次第、爲修理大夫。家譜、永享、以列相伴。御帳、番永享十年五月。義貫與世保持賴。率兵

野史 卷一百一 二十二

伐越智伊豫守于大和十二年十月。義貫叛守護。守護代石川九郎往伊勢島鎮焉。記傳十二年五月。義貫與和人世保一族叛幕府。率兵六千餘。築信貫龍門山據焉。
○若狹守護代年數云。先是義貫兄兵部大輔被誅于鎌倉。是以叛。○國史實錄云。大將軍義教以義貫夫人有姿色。殺義貫。奪夫人。夫人在興中。自刃而死。○南方記傳。讀史餘論並載。將軍侍女小辨者。讒義貫曰。竊通南廷。謀傾覆。將軍不問。是非。令征伐焉。所載不同。故姑附以備後考。

大將軍義教使細川持之。赤松貞村。一色持信。武田信賢或作信榮率師三萬擊之。接戰累日。城固而不拔。信賢請爲先登。統下士粟屋熊谷香川內藤等兵三千餘。進攻龍門山。一舉而克之。多獲義貫兵士。義貫獨縱騎。揮眉尖刀死戰。信賢躬自奮鬪。義貫遂與之戰死。年數詳談、實錄、記傳一族三百餘人。皆自殺而亡。記傳、讀史
子義直任兵部少輔。齋藤親記、左京大夫、足利家譜修理大夫。歷名、土代應仁元年四月。率丹後伊勢兵。黨山名宗全。警衛幕府。五月。細川勝元督衆來襲。義直不戰而奔。西陣勝元徒畠山政長。及東條元次杜塞路。

野史
二十一

次不得入。宗全陣營統下兵士。離散者多。足利家譜、實錄、文
明元年。足利義視入宗全營。義直爲之後隊。足利家譜、十
五年五月。叙從四位下。土代。子義春繼。爲左京大夫。列
相伴衆。御番帳、足利家譜。長享。明應。從將軍于近江陣營。後太
平。義春從弟義季繼。其後。稱左京大夫。義季子義幸
嗣。義幸子義道嗣。任左京大夫。家譜。天正三年。織田信
長更封丹後於義道。織田家譜。而後義道無度。國人離畔。
信長又以丹後封長岡藤孝。使明智光秀。丹羽長秀
爲之援。藤孝等進發入丹後。義道部下皆脫走。駐守
者僅一百許。天正六年九月。義道出川邊城。可二三

里。將逃。但馬藤孝及明智光春追躡薄之。義道據中
山拒戰。與從者三十八人悉死焉。明智子義定
義定。或作滿信。字稱五郎。繼立。家勢益衰。明智光秀受信
長命。令河北石見爲大斥候。國人捍禦。石見敗而走
丹波。光秀廻計策。勸諭義定。爲藤孝女婿。割丹後半
國。界長岡藤孝。而義定居官津八幡山。領中郡竹野
熊野三郡。而義定徙居弓木城。細川忠興移保八幡
山。而忠興送其妹女子弓木。尋享義定於八幡山。伏
兵殺焉。實天正九年三月也。
○按明智記。義定名作義俊。有力量。父戰歿之日。

二十一

擊破其一面而入宮津西弓木寨。從騎五十餘禦戰。明智光忠圍攻。累日不撓。藤孝遣人乞和平。義定出而降。信長命終殺焉。○丹州三家物語云。天正九年三月。忠興徙入幡山。五月。義定娶細川氏。十年九月八日。忠興迎義定殺之。今姑從逸史及和州諸將軍傳載之。猶當考。

義定法名貫雲源忠。三家物語、無子而亡。

一色藤長棄田邊城而降信長。逸史、藤長者持範曾孫式部少輔晴具子也。天文二十一年。叙從五位下。任式部少輔。
一色家譜、歷名土代、仕大將軍義輝。列供衆。永祿六年御役。

附、歷事義昭信長秀吉。居宮津城。家譜、石田三成迎藤長厚饗。親交藤長。著其厚情。藤長以細川氏親姻。故密議計畧。令勸忠興。藤長資性鷲才。不察三成有奸計。遣使招藤孝父子曰。我與卿父子俱浴故太閤恩顧厚誼。繇志宜翼戴幼君也。藤孝父子亦欲使藤長屬東照公。召之。忠興謂其父曰。藤長若不從則戮之。須鍛三成羽翼矣。藤長聞使命。悅赴田邊。忠興曰。足下欲爲幼君計事。先應滅三成。三成實以幼君爲囹。與已不合者。雖侯伯有功者。皆亡之。欲奪天下之姦謀也。往年滅關白。或讒秀秋。今復欲伐內府。暴惡無

遑勝算。藤長怒曰。內府却謀嗣君。可奪四海之兆。如掛鏡見也。因與三成俱欲酬太閤舊恩。輕命於塵芥。如足下父子。非懷不忠者。忠興大憤曰。子不吐大言。而與東師宜竭力也。藤長大忿。將斬忠興。忠興乃把刀斬藤長。藤長從者百四五十人闖入。細川氏士長岡興長。有吉武藏等。出而悉戮焉。大志子範勝。稱左兵衛尉。慶長十六年。執謁東照宮。而叙爵。稱式部少輔。家譜子範規。或名範次。今從。御選大坂日記。稱右馬介。佐幕府。傳孫範永。字長十郎。九歲而蚤世。沒收食邑二千石云。家斷譜

澁川滿賴。姓源氏。足利氏之支族。其始義顯。字二郎。初族稱澁川。足利泰氏子也。義顯曾孫義季。建武二年秋。北條時行蜂起之日。屬族宗尊氏於武州女影原戰死。澁川家譜。松窓漫錄。義季孫義行。爲武藏守護。城于足立郡藤居之。鎌倉草紙。義行子乃滿賴。滿賴爲左近衛將監。右兵衛佐。家譜。花押。花應永二年十二月。補筑紫探題。先是大內義弘欲探題。竊與斯波義將通。訴今川了俊之短。故罷了俊探題職。使滿賴代之。了俊蟄居。南方記。傳作。應永十年七月。十六年。滿賴遣使於朝鮮。國史實錄。入道號道鎮。文安三年三月。卒。家譜。子義俊繼。九州探題。次

野史 卷一百一

俊詮稱伊豫守。次義鏡稱左衛門佐。按家譜或作義俊子長祿元年六月。為督師。徇武藏國。初祖父義行築藤城。義鏡猶據之。是歲補探題。率武藏上野兵。伐足利成氏。以上杉氏為管領。大草紙子義堯。應仁元年四月。叙從五位下。任左衛門佐。歷名土代義堯三男賴重。是為板倉氏祖。後有傳。義鏡族義勝。
○歷名土代載。九洲探題澁川義基。天文十年十一月。叙從五位下。同日任左兵衛督。其於義堯未知其族為何。故姑附焉。
義勝稱相模守。足利西郡小股城主。為長尾政長妹

婿。屬上杉謙信。頃年由長尾與桐生共屬古河。今又應相之招。元龜二年夏。俱適小田原。窺其隙。四月。善宗次及菟田備後守率兵次于境野三堀。分作一隊。歷下菱山中島。來攻小股城。留後家長。叙山出羽守。胥議曰。我逞兵皆從君子小田原。以微兵對抗最為難。不如避城而竄。君之還。再得焉。城代石井入道尊空大怒曰。我君累世之城壁。無故避去。非武夫所為也。衆意未知。吾舉族殲于此地矣。衆同是議。兵總百五十人。出羽率一隊。陣于笛吹嶺。尊空自率一隊。登鷄足寺嶺。設石弩陷窳。而防禦嚴戒。敵入中島。縱

野史 卷一百一 二十五

火侵掠。出羽乃發矢銃拒戰。或出斫敵。及未刻。城垂陷。會猛風暴雨。不分咫尺。善宗次與士卒觸巖石而斃者多。餘眾退入伊勢碕。尊空馳入。乞救於金山。是時由良入道宗得寢疾。長尾顯長發兵來援。抵渡瀬川。洪水漲流不能涉。尊空遣人報捷。援軍引還。事聞小田原。義勝迺歸城。慰勞士卒。行賞三日。乞援于金山館林。六月。起兵攻善城。城中頃日之戰。士卒多死傷。無禦備者。世臣齋藤右近尉等。擁宗次子春松丸逃走。既橋城。義勝乃入善城。而收兵於三方云。漫錄、天

正十八年。小田原亡。而後與由良國繁。長尾顯長俱

據桐生城。而乞降于關白秀吉。弗聽。共沒收食邑。幽義勝于秋元長朝家。亡。漫錄、小田原記、

野史卷一百一終

二十六

[Faded text in a large rectangular frame, likely bleed-through from the reverse side of the page.]

野史卷一百二

飯田忠彦 修
男 文彦 訓點
竹中邦香 校

武臣列傳第十

佐竹義仁 車忠次

佐竹義仁。本名義憲。姓源氏。右馬頭義盛之嗣子也。
出自新羅三郎義光。義光子義業。始居常陸國佐竹。
莊。在久慈郡。今義業子昌義。始族稱佐竹。佐竹系圖。廢
城考。武家譜。常陸國志。昌義孫秀義。稱佐竹別當。從大將軍賴
朝于征奧。帥軍而會師。旗旌皆白。以混幕府。賜圓月

畫扇。以揭旗上。而後以出月扇爲記號云。藩翰譜、系圖、義六世貞義。元弘初。任遠江守。兼上總介。屬北條高時。而援六波羅。高時亡而附足利尊氏。屢與官軍戰。藩翰譜、貞義子義敦。繼父屬尊氏。鎮守府將軍源顯家。起自陸奥。帥師次于三箇原。義敦張陣于古澤野。以捍王師。顯家先鋒相馬南部等。進擊甚疾。義敦遂敗走。國志、義敦子義信。義信子義盛。世屬鎌倉。爲山東著姓。類族蕃殖。最有威名。義盛有女無男。養上杉憲定二男爲嗣。以女妻之。是乃義仁也。尋義盛卒。義仁繼家。稱右衛門佐。爲右京大夫。藩翰譜、武家譜、國志、在鎌倉國

人不欲而曰。是非先君之種也。而密議欲迎義盛。再從父弟山入興義。立爲嗣主。足利持氏使岩松持國率兵來伐。納義仁。國人推興義爲主。據長倉城拒之。持國圍數月不拔。對陣歲餘。城中糧竭。國人相議曰。義仁立無君。興義立無國。無君國猶佐竹氏之國也。無國君能佐竹氏之君哉。其與并君及國棄之。不如無君之猶是存國。且先君之命也。棄命爲不忠。遂請盟。而持國撤圍。國人立義仁爲主。興義退服。義仁亦懼。國人有叛者。厚遇焉。藩翰譜、武家譜、國志、應永二十三年。上杉氏憲入道禪秀。勸足利滿隆。謀不軌。誘引將士。興

義携子祐義。宗義弟言義。及土佐美濃守。參河常陸介。河合長瀬等。騎百五十餘。黨滿隆。而屯于大鳥居。滿隆及襲持氏。興義攻極樂寺口。土佐以下據鎌倉大草紙義仁將兵守甘繩口。賊勢太彊。師遂敗績。義仁等奉持氏奔駿河。滿隆自立。興義援之有力。勢稍強盛。次年正月。今川範政移檄諸州。伐滿隆。納持氏。興義聞。今川氏馳檄諸州。飄然有觀望之志。及滿隆敗死。以師降。持氏置而不問。武家譜、國志山東故家稱八第。佐竹氏居其一。國志、逸史持氏授屋形號。系圖、藩翰譜應永二十九年十月。興義依家督事。違持氏旨。時在比企谷。上杉憲直

稟命伐之。興義終入法華堂自殺。大草紙寬正三年二月。義仁卒。歲六十八。國志、○按花押數作法名本光應永元年十二月卒竹道號天德寺。武家譜、謚號考子義俊。義俊子義治。義治子義舜。義舜子義篤。義篤繼家。天文中。援足利晴氏。攻河越城。與北條氏康戰不利。藩翰譜子義昭繼立。稱右京大夫。稍振武于近郡。天文十六年秋。宇都宮尚綱戰死于五月女坂。壬生中務大輔。取宇都宮城。據尚綱子廣綱。時尚幼。脫走于真岡。依賴義昭。義昭憐之。弘治三年十二月。爲舉兵。自率一萬八千。分作三十六隊。陣于乙面原富山。與中務戰。竟克之。使廣綱復

宇都宮城。奧羽永永祿二年五月。遣車忠次等。攻片野城。取之。國志。十二年十一月。麾下眞壁久幹入道。道無。與小田天菴戰。大擊克之。天菴脫走。小田氏終不振。於是奧人新地大里島碕白石等。及山東所在國人。以城寨而來服者。七十九處云。永慶軍記。義昭子義重。義重繼箕裘。頃年上杉氏僭竊。愈極威福。愈離。北條氏乘世亂。跋扈豆相。而日夜覷邊。東州大亂。鐘鼓頻震。永祿元龜之際。兩杉氏衰耗。北條氏強盛。蠶食山東諸州。出師於下野國境古川地。山東將士赴屬者多。而後北條氏與武田信玄興戎。連年不熄。常陸下

野國人背相而來歸。武家譜、藩翰譜、廢城考。元龜元年。遣坪井內膳。完戶友秋。攻小田城。自三月迄九月不拔。國志。北條氏康鍊兵多年。元龜二年。帥師數萬出下野。義重亦整旅。出陣于沼尻小川臺。師總一萬餘。自三月四日抗衡。二十四日始接戰。相軍敗走。國人多來服。永慶軍記。北條氏政怒師先不克。自率師侵掠下野。義重乃將諸豪。迎擊之于佐野地。羸輸未決。氏政不得志。常毛之地愈歸服。於是義重初有併吞南邦之志。武家譜、國志。初與陸奥接境者。石川。岩城。赤館等也。迨永祿天正中。義重掠畧奧南郡數十箇處。石川晴光。其子昭

野崎 史記 卷一百二
光。世居石川郡。其族政光。其子朝光居赤坂。與義重講和。義重欲使之爲臣。遣支族義久誘之。朝光不從。政光弟赤坂右馬介。屢勸政光。猶不聽。父子遂據城不服。義重以義久爲前鋒。赴攻不利。拂陣而歸。而後政光父子。終稱臣來服。又畑左衛門入道梅香齋。以鹿子。畠枝左衛門尉。以中石井。森大膳。以棚倉城。其餘白石相摸守。淺川二郎左衛門。上遠野美濃守等。及石川一族藤田光兼。其弟澤井光祐等。送款來服。義重使臣和田安房守。謀擄結城義親。以養女配之。使二男喝食丸約爲之養嗣。令義親歸守白川城。先

是朝川大和守憤義親就擄。乞援于二本松。義繼與鹿子畑義總謀。率白川遺士。併騎兵五百餘。欲夜襲白川城。赤坂朝光聞之。告佐竹義久。義久以告義重。遣宇留野源太郎。及武藏重綱。岩城援兵白土隆貞。分爲三隊。三面入朝川地。掠畧。進攻城陷之。大和逃走。義總遂乞降。二本松義繼。及金上盛滿入和平。令屬麾下。永慶軍記。天正四年六月。叙從五位下。任常陸介。歷名義重欲取奧州山東之地。率師次于南鄉。蘆名盛氏亦起兵。使結城義親爲前軍。與義重抗衡相馬盛胤。石川昭光胥議。入構於兩陣。義重初不肯。聞氏

政發師攻下妻。聽和平。收軍而還。九年八月。氏政欲伐佐野。令其族氏邦。氏房。及大道寺政繁。多米長宗等。以成田氏長為鄉導。率忍。行田兵而發。事聞佐野。乞救於義重。相人偪佐野前。殲接戰。椽木勢微。二三隊皆敗走。佐野宗綱返騎支戰。奮激勉鬪。遂走相人。義重督兵後援。相人固陣。遠攻。歷日。氏邦部兵關根織部正。行方三郎兵衛。春日隼人佐三人。聯騎斥候。曉霧冥朦。不辨咫尺。伏兵起而擊之。三人胥謂不可遁矣。乃下騎以槍鑽敲馬。遂旋我陣。與伏五六十人。格鬪。相人渡邊安藝守。遙望馳到。呼曰。助戰。乃俱力

戰。伏弭歸。而後義重與相人戰。擊卻之。義重威武耀于山東。宇都宮芳賀。笠間壬生。茂本。多賀谷。真壁之徒。各來送款。通謀欲徇常總。又與二階堂岩城。相馬謀合。而將剽平東奧。松窓漫錄十年右府信長滅甲斐。山東震懼。使其臣瀧川一益撫綏山東。封厩橋。稱關東管領。義重一族及常毛所在諸豪。服一益于厩橋城。北條氏亦懼。遣其族氏邦。赴聘。山東干戈。於是少熄。無幾信長遇弒。天下復騷擾。武家譜奧州關山城主關備前守入道。結城一族也。先是天文中。為佐竹氏落城。而後佐竹氏置戍。而令壓白川。天正中。安積郡人

叛磐瀨二本松。縱火侵掠邑里。義重欲伐平之。天正十二年六月。率兵抵窪田。郡人悉來服。七月。收兵而歸。到磐瀨。於是二階堂氏臣須田盛秀。及白川不悅。齋赤館兵士等。多賜休暇。告別而去。義重僅率二百餘騎。巡邏那須嶺。過關山。是時義重臣白葉備中守爲關山戍。以朝川有所緣。密勸隱謀。且告以義重麾下單微。備中乞援於三春。與大和議。覆兵急起掩擊。義重軍敗。石塚義衡。高久義貞。其子宮壽丸。大澤義尙等。騎五十兵三百餘死之。會白川赤館來救。乃罷歸。尋白川石川爲大和乞宥。復其故地。十三年。義重

與北條氏對抗。岩城。相馬。石川各加援。四月。北條氏政子氏直。帥豆相武下野下總師八萬。陣于藤岡。先是眞壁道無父子三人。畔而屬北條氏。與大道寺政繁爭前鋒。而列二隊。以五月十六日。刻戰期。義重族北左衛門尉慧悟。潛往道無陣。謂道無曰。義重嘗割兵。備伊達氏。方今寡軍對相大軍。不可得抗衡。惟依卿進退。願與義重俱死。以全多年舊誼矣。道無感其志。相約以欲緩。次日之戰。相別去。義重時帥師二萬。屯于大和田。十六日未明。道無先大道寺政繁進隊。伍。自謂墮騎而僵。相軍皆以爲凶兆也。止其日之戰。

是夜道無率。所部來會。大和田營。義重悅。迎入軍議。小場義宗。南義尙。北慧悟。東義久等。皆謂。進戰有利矣。道無固執。不可。嚴戒陣營。相持逮六月。氏直拂陣而去。七月。義重發兵追擊之。道無先登。相人遂敗走。獲首三百二十三級云。永慶軍記

○國史實錄。北條五代記並云。天正十三年七月。義重與北條氏直。抗衡于長沼。義重族義久與氏直族氏輝。通信講和。俱旋師。

十一月。二本松義繼。虜伊達輝宗。而亦被殺。其子國王丸乞救。義重怜其孤。爲募兵。出軍于須賀川。所從

一族義久。義兼。義種。小場義宗。大山義景。今宮義道。戶村八郎。眞壁氏幹。梶原景政。江戸通政。宇都宮繼友。多賀谷重綱。武茂。重綱。和田昭爲。酒井忠脩。及會津臣金上盛滿。箭田野義正。秀行。須田盛秀。岩城常隆。船尾昭隆。白土隆貞。石川昭光。赤坂朝光等。步騎總五萬餘。盛秀勸義重。攻中村寨。拔之。伊達政宗聞之。是月十日。發巖角。使國分盛重。天童賴澄。抑二本松。而出陣于杉田川邊。政宗嘗計安積之對抗。使其人守高倉。本宮。玉井等城壘。而政宗率麾下。入本宮城。義重亦分部列伍。使常隆。義久。攻本宮城。會津。石

川。須賀川兵攻玉井城。尋義重望見政宗入本宮。親督兵七千餘人。與政宗大戰于安積。死傷者多。及日沒。收師。義重猶議明日軍事。會適子義宣馳檄告江戶重通。里見義賴師二三萬。既侵入國中。義重遽班師。永慶軍記十六年六月。義重義宣父子率騎兵三千五百。掠畧安積郡。蘆名盛重時歲十四。將七百餘騎。岩城。白川。須賀川兵來加。步騎併二萬餘。圍攻郡山窪田。伊達政宗聞急。分戍於諸寨。自十六日追十八日。抗衡。義重欲戰。軍議豫定以須賀川援兵爲先鋒。須賀川兵士對曰。唯命之從。然願請令岩城兵爲次隊。

如令會津兵爲次隊。則我輩不能爲先驅也。義重開諭再三。以決先後。令須賀川兵爲第一隊。會津士繼之。或謂義重老車重賴。請止明日之戰。於是義重聽之。與陽軍祕錄迨二十二日。義重部下斷窪田郡山中路。政宗部將伊達政景出兵挑戰。對衡速。七月。新國貞通出斥候。伊達成實。片倉景綱部下支戰。會津須賀川兵赴救。政宗兵士競進接戰。自辰迄未刻。死傷相互而罷。岩城常隆。石川昭光。胥議。使義重政宗行。成。收師。永慶軍記

○逸史載。天正十六年。義重與岩城常隆。石川昭

光結城義親謀。納蘆名義廣。併兵伐伊達政宗。連戰不利。乞援於上杉景勝。會景勝代佐渡不果。乃罷歸。八月。景勝分兵趣援。亦不及而罷。
十七年。義重與岩城相馬胥議。五月。率兵抵須賀川。蘆名盛重。結城義親。一族義久。義種。大山義景。真壁義幹。赤坂朝光。小瀬義行。船尾昭直等從軍。總一萬餘。圍大平城。田村一族大平新五入道常伴。拒戰不屈。須賀川兵縱火而進。攻禦接戰數日。常伴終禦死。城陷。義重領城。與田村石川接境。赤館。赤坂。滑津三城。爲之外援。石川朝光據赤坂。石川昭光兵。及澤井

元祐等攻之。滑津威世。船尾昭通。及佐竹氏援將小瀬義行等保之。三春兵急攻不拔。猶松野上總介據赤館。近藤兔毛于山頰。大塚權之助于關阿久。今宮攝津守于寺山。檜原兵部大輔于東館城。其餘三森中石井富岡瀧平山下等諸城。守禦嚴備。義久亦築玉野寨。淺川二郎左衛門。白石相摸等。陣于一色埜。日夜挑戰擊鬪。逮次年。爭戰猶不弭云。永慶軍記。初義重在山直城。日牧馬於久慈川南。江戶重通保水戶城。出兵遏之。義重恒爲江戶氏所制。不能得志。義重族東政義智兼勇。老武功鍊。諫義重曰。江戶氏境大兵

強。不可以力爭。不如退而講和。窺機而擊焉。義重從其議。與重通盟。數年不牧馬於河外。練兵習戰。重通恃疆不備。國志、漫錄、武家譜十八年。義重兵鍛練已熟。東政義曰。我兵既熟。雖趣水火可矣。而况於敵乎。臣察江戶氏兵。懈怠忘武。今以我精練衆。水戶城可得也。是春。出兵涉久慈川。重通遣兵拒之。義重兵一能當百。水戶兵大潰。義重逐北。踰那珂川。而圍水戶城。重通兵力俱疲。終自殺。衆降。義重併其地。勢加國中。諸部望風服從。武家譜、藩翰譜、國志、廢城考、漫錄義重乘機。攻多氣貞國於府中城。城兵突出禦戰。太田資武分部下一隊。先

登力戰。其次隊高梨上野介。吉岡圖書助等橫衝敵。敵逃長寶寺口。資武合二部爲一隊。而嚴備。義重士戶村十大夫。根本筑前守等。踰險路。縱火。而薄城際。城兵竭力禦戰。及日沒。收兵。城兵追尾。軍殆危。太田資武返擊逐卻焉。又攻恒品石川國良于太田城。拔之。而自徙居太田城。使義宣居水戶城。以山直城附叔父義昌。又分東政義。長倉義當爲陣代。侵伐鹿島香取地。而掠畧下總下毛陸奧郡邑。漫錄尋老子太田城。武家譜、國志、逸史以慶長十七年四月卒。歲六十六。系圖、藩翰譜、武家譜法名道菴圓信。號知足院。系圖、武家譜、謚號考有大男子。



長曰義宣。次曰義廣。出繼蘆名氏。更名盛重。天正十七年。會津城陷。挺身而遁歸。復故名。入龍碕城。後移居江戶碕城。武者物語抄。新篇東國太平記。次曰義堅。繼東政義後。次曰貞隆。繼岩城親隆。次曰宣家。繼多賀谷氏。季曰義繼。字稱彥二郎。族稱北。國志。武家譜。義宣為右京大夫。藩翰譜。國志。武家譜。義宣先諭真壁入道。道無謀。小田氏治。東源武錄。天正十八年正月。拔水戶城。義宣徙治之。尋義重老。義宣繼立。聞國事。藩翰譜。國志。是春。關白秀吉征伐北條氏。東州侯伯悉往歸。義宣亦率兵服從。秀吉命為常陸守護。藩翰譜。國志。廢城考。武家譜。是夏

義宣攻忍城。成田氏長出黃金糧米償其罪。永慶軍記。五月。義宣率兵抵石垣山行營。謁見關白秀吉。石田三成為舉伊達政宗非義。使義宣專征伐。會政宗到行營。事罷。永慶軍記。義宣欲藉關白威。咸鋤統下豪族。以併其地。賂秀吉嬖臣石田三成。首設邸于伏見。移妻孥。常陸國諸部三十三氏。皆住南郡。俗曰南方三十三館。從義宣觀于伏見。義宣謀之於三成。三成曰。諾。吾將為子請之。關白。佗日三成與義宣侍秀吉燕居。三成從容進曰。殿下前命佐竹為常陸都督。是天下之所同知。而今國內諸部頑凶。不受制於佐竹。是無他。

輕侮殿下也。迨今弗圖。四方傲之。大損威令。秀吉怒曰。孤已舉一州授之佐竹。國內諸部皆義宣家奴耳。如有不服者。汝義宣宜隨意剷除焉。義宣喜辭還。託言於饗禮。召諸部。覆甲刺之。一朝滅三十三氏。盡併其地。所食至八十萬石。天下稱德川及毛利。上杉。前田。島津。佐竹。爲六大姓。義宣深德三成。常念其酬不遺。藩翰譜、武家譜、逸史、是冬十二月。叙從四位下。任侍從。藩翰譜、二十年。率兵三千。到于那古耶。豐臣家譜、文祿三年。義宣以舊壘狹隘。更築水戶城。國志、慶長三年秋。太閤薨。侯伯樹黨。將殺三成。義宣率衆如大坂。迎入三成于伏

見第。藩翰譜、庚子歲四月。義宣有黨上杉景勝之聞。東照宮諭義宣令上洛。稱疾不從。先是三成勸義宣等曰。上杉先去。舉兵於奧。內府聞變。必移師於奧矣。然則佐竹出兵於國境。候內府已入白川關。先軍半攻會津地。出而遮其後路。前後夾擊。內府雖豪傑。必爲我擄矣。當此時。毛利。島津等諸將徇地。以入山東。諸城皆束手出降矣。東照宮東征。入下毛國。諸將會同。義宣嘗稟自仙道入伐之命也。守盟不出師。東照宮亦遣島田重次。○按大三川志引武隱談叢。島田重次來作四月。或云與古田重然來。責其觀望曰。汝之來乎。不足爲我益。汝之不來乎。不

足爲我損。但汝之來不來。乃是汝家益損耳。如天下一定。汝之國必非汝之有。但沒東氏世。孤不敢爲遷。汝其自計之。對曰。我疾未愈。故遲緩焉。非曾有異心。雖然若蔑如嗣君者。縱一矢以盡忠矣。義宣與景勝通謀。使老臣梅津憲忠。戶村豐後守兵五千餘。自奧州南關進軍。東館關岡寺山川上野山等浪士來屬。又澁江政光兵二千。抵寺山鏡城。河戶式部等會者。總二萬三千餘云。義宣以下從大義宣爲景勝聲援。三川志係六月。義宣遣人謂東照宮曰。我將發師。然未見景勝逆意之證。若有欲天下者。爲國家務

而送一箭矣。故辭會津出陣。

○按逸史載。佐竹氏懼。是時義宣帥師四萬餘。過石那坂。而次于多珂。令驍將車猛虎率兵往助。會津云。與大三川志所載乖異。故附備考。

義重遣使義宣次處。告東照宮之言。先是東政義諫義重曰。內府所謂天授也。非人力之所能敵。盍速迎師。義重不聽。於是復諫。義宣如前言。義宣以妻孥在。伏見第。不能用政義言。心持兩端。既而上國兵起。益脩守備。東照宮復使古田重然來請。且責任子。重然嘗爲義宣茶道師。故遣之。義宣對曰。嘗從命欲發師。

雖然有妻孥在大坂。聞虛實而後進止。是決我無憾。明公又不讐石田。孥在大坂。他無可質者。逆臣設令雖勸叛。我敢不與。實售良馬以爲征焉。使者反命。羣臣或請討。東照宮掉頭曰。石田本也。佐竹末也。其本既絕。未豈獨存。乃諭台德公。量留平岩親吉。及水谷勝俊。皆川廣熙等。毛總諸侯。次于鍋掛等地而備焉。藩翰譜、武家譜、落穗集、慶長記、逸史、而大旂西旋。政義勸義宣曰。君疾出兵追內府。內府今受敵於東西。士卒皆懷危懼。無有戰心矣。是我必勝之秋也。義重懼不敢出兵。政義曰。君不能逐內府。請割兵以從內府。庶幾免後患。義

宣然其議。分兵數百從焉。國志、武家譜、慶長六年四月。台德公至自京師。義宣聞征。與有軍裝大懼。抵品川。按藩翰譜、作神奈川、候伺謝罪。不許。遂如伏見謝焉。東照宮弗聽。曰。乘機舉兵。爭衡于天下。豪傑之常。不足深咎。但彼持兩端觀成敗。而卜去就。特可鄙矣。故予憎之。軼會津。義宣畏縮。俟罪于邸。藩翰譜、國志、實錄、逸史、七年。東政義死。而五月。東照宮欲廢義宣爲庶人。父義重哀訴切至。爲霽威。乃除常陸國。更封秋田二十萬石。或初賜五萬石。後加仙北地十五萬石。云。落穗集、廢城考、藩翰譜、實錄、舊章錄、武家逸史、國志、義宣僅率七十餘騎兵。赴出羽。嘗義宣遣車

忠次將騎二百赴援會津。途遇之。忠次扣義宣馬曰。相時而動。是良將之上策也。常陸國雖偏小。悉國中兵。帶甲不下四五萬。食亦有十年之蓄矣。實足蕩搖天下兵。以快爲一戰。而今棄祖宗之國。遷不毛之地。恨莫過於此。君何爲之所。而憫然爲庸主之行哉。義宣曰。豎子止。我豈無其志乎。然內府天授。非人力所能敵。況今天下已歸之。尺土無非其有。一民無非其臣乎。且我一朝斃三十三氏。其子弟臣庶皆在我邦城之中。而欲報怨於我。其力不足。悍然以窺。間幾年哉。假饒使我狂惑如汝言。則討兵來加。而先爲睥睨。

者所殺。以貽笑天下後世矣。豎子止。莫復言。忠次涕泣而別去。藩翰譜國志武家譜東源軍記

○野史氏今考。庚子秋關原之戰散。西軍瓦解。山西諸州咸降服。惟上杉佐竹兩氏未決。而迨是歲也。忠次先爲援軍。適會津。上杉氏之質直。不可對。天下有抗衡之意。援軍踰年之謂。非無所疑。然未知其是非。姑附備他日校正而已。

忠次止水戶地。東源軍記。大田城。矯佐竹氏命。誘聚國人。欲保水戶城。旣而國人聞非佐竹氏意。往往弭散。忠次勢屈。自知無所遁而自殺。國志。十九年冬。從師于大坂。

而陣城東今福。十一月二十六日平明。義宣前鋒澁井信利。今按先有澁江政光。今又載信利者。梅津憲未詳。乃是別人矣。手或作鹽井氏。忠追薄堤柵。城兵矢野正倫。飯田家貞。及牛瀧。粉川徒。出據燒餘小舍。發銃防禦。伊藤右馬助。屋代勝永。安藤正次等爲監使。來俱揮槍乘柵。正倫及家貞父子拒死之。城兵敗走。義宣前軍進入片原町。當日午。城兵聞敗。木村重成奮出。後藤氏房。堀田勝喜等繼而出。信利望見乘一柵。而圍二三柵。重成部下大井何右衛門。高松內匠等支戰。信利終棄柵而退。保堀切。是時上杉景勝兵在向岸。連發銃矢。氏房傷。義宣

斃恐傷誤

士戶村十太夫。戶戶或大塚九郎兵衛等。附竹東接戰。氏房重成猶前。十太中銃而斃。衆色動。信利揮槍勵圍固柵。重成隊兵縱銃射信利。信利亦傷。士卒敗亂。城兵掩擊殆危。義宣携麾兵。備于今福。聞前軍之敗。自揮麾奮勵士卒崩潰。不得制止。乞救於景勝。景勝令杉原親憲來援。水浚不得濟。乃橫發銃。城兵死傷者多。重成等收兵而去。武家譜、落穗集、秀賴事記、大坂記、難波軍記、難波戰記。次年正月。東照宮台德公召義宣臣梅津憲忠。戶塚九郎兵衛。黑澤甚五兵衛。戶村十太夫。賜感章及物。有差。落穗集、藩翰譜。夏之役起。五月七日。義宣率兵抵平岡。

望見城中火起。馳而行營賀捷。六月。賜白銀一百貫目而還國。佐竹家傳。寬永三年八月。進從四位上。大坂日記。任左近衛權中將。藩翰譜。備十年。或作四年。正月卒。歲六十四。武家譜。藩翰考。系圖。法名傑堂大英。號常光寺。備考系圖。謚號考。無子。養岩城貞隆子能化丸為嗣。是為義隆。義隆繼。稱修理大夫。叙從四位下。任侍從。後為左近衛權少將。有四男子。伯曰義處。承父後。子孫相繼。中義真叙爵。稱式部少輔。子義郁繼。稱式部少輔。頒食邑一萬石。其子義堅。繼宗家。叙義長。叙爵。稱左近衛將監。食邑二萬石。子孫相傳。季義慰。字稱玄蕃。藩翰譜。備考系圖。

車忠次。車或作群馬、忠次。或作猛虎。稱丹波守。佐竹氏老臣也。以火車畫為背標。庚子軍敗。義宣貶封遷秋田。其父義重時在伏見第。越前侯秀康為之備。松平信一戍江戶碓城。慶長七年七月。忠次及子新左衛門。馬場和泉。其子新助。大窪兵藏為魁。曾募羣不逞漂客。竊狙水戶城。兵藏所部細作。潛入城。松平近正番卒物色捕之。搜得忠次等募土寇。回文於其懷。松平康重馳驅入城。警衛嚴戒。忠次等未識之。各處羣起。圍水戶城。忠次父子僅六騎。抵城門。呼曰。義宣父子還到。以義光以來相承居城。奚為託佗手乎。若有存忠蓄義

者。俱起來應焉。會伊奈忠政等守門。忽出捕之。黨與
散走。聞之於京師。遂梟忠次等五人。東照宮聞義焉。
武隱叢話、廢城考、

○按東源軍記。就擄磔殺于水戶那珂川云。

野史卷一百二終

野史卷一百三

飯田忠彦 修
男 文彦 訓點
竹中邦香 校

武臣列傳第十一

赤松義則 貞村 祐則

赤松義則。姓源氏。具平親王之後。丹後守秀房。配流
于播磨佐用莊赤松谷。赤松季房五世左衛門尉。久
範。始族稱赤松。日本史、圖、祖則村薙髮號圓心。奉
後醍醐天皇敕。陷六波羅。軍功雖拔群。忠賞不滿意。
竊懷不平。迄北條時行亂。入山東。足利尊氏赴討之。

二男貞範從竹下之戰樹功。建武二年冬封播磨及丹波春日部莊。圓心及適子範資。三男則祐。皆屬尊氏。攝播之戰著功數回。舉族有殊勳。賜攝津于範資。傳到光範。則祐賜備前因幡二州。任權律師。貞範爲播磨美作二州守護。明德記、應仁別記。平正中。圓心構姬路山城。在東郡飾後更築白旗城于赤穗郡。使貞範居之。自移居佐用郡苔繩城。姬路城主歷代。義則則祐子。以佐佐木高氏外孫爲大將軍。義滿所寵遇。補播備二州守護。系圖、日本史。歷左近衛將監。上總介。兵部少輔。叙從四位下。按武家譜作遷大膳大夫。義滿定置四職。義則列正五位下。

其一員。系圖、代將、軍執權、次第。明德二年冬討山名氏清。三年正月以功加賜美作守護。國史實錄、美作不服。率兵討平之。日本史。天皇勅賜鳳凰桐章。幕府亦授二引兩章。武家譜、家別。髮號性松。法名圓齋。義則短小。世稱三尺入道。有稱大童子者。經回街巷。損害人民。義則狙擊之於御菩薩池邊。號其刀曰大童子。讀曰於保和、真波、又賜因州知頭郡。但州朝來郡。攝州中島等地。赤松應永三十四年九月卒。七十歲。系圖、實錄、義則五子。長滿祐。在逆臣傳。次祐元。常陸介。次則友。出羽守。次則繁。二郎。入道號性通。季義雅。伊豫守。義雅與滿祐自殺。

于城山。孫政則。赤松記
政則。小字一松丸。南方傳。父性存。國史實錄作雅存。赤
足利家譜、應嘉吉之亂。生僅九歲。家人石見雅助。城
仁記、傳歷代作。携逃京師。託建仁寺僧天隱龍澤為徒弟。剃
髮號勝嶽。稱性存房。得脫免。赤松記、中國太平記、○
存、歷年而後還俗。生政則。按系圖以政雅助筮仕左
大臣藤原實光。二條、日夜勵志精勤。密歎請再起赤松
氏。證累世故記錄。懇請多年。實光憫其意。為請幕府。
豫告密謀。雅助與間島雅光。中村貞友。或作直、胥議。適
南山求仕。長祿二年。嘉吉記作二年冬、赤六月。雅光等

終戕南帝。奪神璽而還。八月晦。因明德例。納神璽於
紫宸殿。應仁別記、赤十一月。大將軍義政赦舊科。召
政則。賜加賀半國。及勢州高宮。雲州宇賀。備前新田
等莊。赤松記、再山名持豐恚。潛使人刺雅助。應仁記、
傳、三年六月。舊故兵士入備前三箇保。三石藤野守
護山名氏代官禦戰。兵士多死。事聞幕府。山名教之
處非據。三箇保終為赤松氏之有。再與十月。政則兵
士入加賀。富樫成泰。或作基、被官岩室某。或作岩屋、聚兵拒
戰。幕府令詰問。兵士荅曰。以某來擊。不得已應之也。
富樫氏決非據。府命嚴禁爭戰。再與、倭史後、寬正

六年十一月元服。大將軍義政授諱字。稱政則。字二郎。齊藤親基後任兵部少輔。足利譜兼伊豆守。系圖爲大膳大夫。武家譜左京大夫。系圖娶細川勝元女。中國太應仁元年。黨勝元。五月。勝元使政則伐平播備。別記。南海治亂記。構營於姬路。城主。率兵入京師。別記。足利譜。細川備中守。未詳。其名。接戰。四日四夜。士卒多死。僅守一條大宮第。政則率兵三百奮激曰。令備中死我大恥也。當俱死戰矣。踴躍而馳。歷正親町。出猪熊。大呼曰。赤松乃我剛雄無倫。將戮力於備州。衆皆努力。前與斯波氏共戰。追到廬山寺西邊。山名教之支戰。政則退縱火于

備中守第。而據成之第。延燒村雲百萬遍華堂等。東西兵戰于炤烟中。自二十六日寅鼓。迄明日酉刻。西陣迄千本。北野。西京。死尸充溢。不餘寸地。東陣亦大馬場。西藏口。小川。一條死傷者。狼藉道路。應仁六月。教之陣于一條。大宮。猪熊。政則督兵與戰。浦上小寺等力戰。依藤豐後守被射左臉。折其矢。與山名常陸介力鬪。終滅之。明石越前守亦善戰。教之一族從兵二十八人死焉。別記。大內政弘。或作弘。世。今河野四郎。及但馬國人垣屋。八木。界庄。因人伊達。波多野。八郎。山口。伯人小鴨。南條。進村上。備後人江田。和智。小內



等。會但馬而入丹波。丹波守護代內藤備前守拒戰于國境夜久鄉。一族貞德等多死之。欲入攝津。時守護代秋庭元明及政則部下在田本鄉。宇野真島等據險防禦。眾寡難敵。終戰破。河野四郎爲殿。反戰于猪取野。政弘兵。門田杉。陶內藤。弘中安富。神代等圍擊。元明敗走。政則兵亦敗。魚住等死傷者多。應仁八月。政則與安富元綱。佐波直種。毛利弘元。高橋道直。宍戶元家。小早川興平等。警衛東寺。或作相。十月。寺僧叛而縱火。義就。政弘。義統等來伐。政則士太田三郎安丸與二郎等死之。士卒殪者八百餘。弘元興平

竭力禦戰奮鬪。逐敵二回。元綱弟重綱死之。寺僧及士卒爲之多死傷。應仁記別記。二年十一月。政則爲侍所別當。以浦上則宗爲所司代。實錄治初滿祐之亡也。山名教之受封於備前。使小島大和守爲代官。頃歲松田元成在玉松城。在津高郡。金川邑。與勝元議遣兵攻小鴨壘。小鴨部下來屬者多。遂拔其壘。政則賞元成以伊豫鄉。而後州郡錯亂。元成一族稍蠶食備前西郡。常山紀談。文明元年。初政則留後中村五郎左衛門雖祿微。欲建功。與朋友十許人胥議。丁亥年十月。起兵而入院莊。畧得勝利。敵據東郡妙見及菩提寺和

柏一本作

介山等寨拒之。政則令廣岡祐貴赴援。進入美作。與山名掃部頭戰。既三年。大町某戰。死于山城柏城。掃部亦拒死。五郎乘其弊。攻掃部子彦房於盡期山。克之。彦房奔伯耆。其部下栗井加賀。松原彈正等戰死。于和介山。至是播備作三州悉為政則之有。勢威不減。圓心則祐存日。應仁記實錄。先是攝人池田筑後守。遠江守。乞降於大內政弘于京師。迨藥師寺與一為守。獲代復歸之。政弘兵來攻。告急勝元。以告政則。政則乃使安丸光綱赴援。入城禦戰。山名是豐亦令備後人宮下野守來救。擊敵終卻之。追到兵庫。赤松氏秀

宇野則高。小寺則職。明石道祖。鶴丸等起。自播磨出陣于袖尾。十林寺。武庫山等地。應仁記。是歲政則新城置鹽山為居城。使小寺豐職守姬路城。城主歷代。三年。山名是豐自兵庫抵山碕。城天王山據之。壓淀。鳥羽。畠山義就置兵於西岡勝龍寺。大內政弘守柏山。在上城。政弘善撫愛民。衆靡其德。會是豐聞國有亂。請下國。府議使政則兵戍山碕。應仁記。四年八月。義就擇精兵。夜襲山碕。天王山。政秀則高。則宗等拒戰而不克。皆走五位川口寨。應仁記家譜。十二年。列相伴衆。家譜。山名政豐聞政則賜三州守護。九月。按本書作十一年九月。辭而

就國于但馬。政則又還播磨。合收松田元成一族。侵掠之地。元成恚。謂以糧故見收。伊福鄉而足矣。以我力所取。不敢從命。恐託事謀滅吾宗矣。乃築金川城。遣人乞救於山名俊豐。且約取備前以奉焉。俊豐大悅。文明十九年九月。自率兵抵尾道。十一月。入備前。元成舉族陣于福岡城西北嶺。政則守護代浦上則國嘗保福岡城。長船右京亮與土豪屯河上瀬。二十一日。接戰。會則國兵密與元成約。縱火于陣中。發覺。捕誅其兵。十二月。復戰于富丘。紀談。明應元年八月。政則從大將軍義村于江州陣。後太平記。五年閏二月。大將

軍義高奏請陞政則從三位。公卿補錄。四月。赤松記。作狩于坂田。發病。入久廣寺薨。歲四十二。補任。赤松法名無善性。雲號松泉院。系圖。城主歷代。○三子。長義村。次晴定。刑部少輔。入道。號性傳。次元祐。孫二郎。

○今按赤松記云。政則有女無男。遺囑養七條藏人元久子才松丸。配其女繼家。

義村。中國太平記。作政村。○姬路。小字才松丸。系圖。明應八年。備播作三州亂。東西樹黨群起。浦上村宗擁才松丸。入鹽屋城。鹽屋城者。故政秀城也。幕府下命。東西和睦。再興記。改二郎。任上總介。系圖。兼下野守。陰德太平

記、民部少輔。播磨守。圖、永正四年九月。枝屬播磨守
懷異圖。得平源二等黨之。屯于鹽屋碕山。義村率兵
擊。獲播磨餘黨永忠。永清。衣笠朝親。櫛橋則高並執
家事。赤松永正八年八月。援細川澄元。經兵庫浦。攻
河原林正賴于鷹屋城。陰德而聞船岡山敗。解伊
丹之圍。旋軍於播磨。實錄十五年十一月。義村發兵伐
浦上村宗于三石城。先是巷說紛紜。州郡擾亂。義村
屢攻三石城。城壁固而不拔。十九日夜。村宗出斫義
村陣。義村軍潰。與大石民部丞。奔畝宿而募兵。或謂
備人松田將監後。援三石。櫛橋則高廻謀。村宗族村

國出降。晦。旋軍于置鹽城。赤松十六年。義村攻
松山城。勝田村定。宇野村範等乘後門。城主衣笠村
氏棄城而走。中國十七年。作人中村五郎左衛門
通村宗。據岩屋城。舉兵。義村令小寺則職赴擊之。四
月。義村出軍于榛碕。正字攻岩屋。又徙陣于白旗城。
岩屋危急。村宗後援。下野守村秀弟中務丞與五郎
通謀。十月。急襲則職陣。破之。則職父子三人死之。義
村不克而還。赤松村宗嘗與義村母姦。是冬十二月。
強使義村退隱。立七歲兒為家督。義村剔髮。號常印。
赤松先是。大將軍義澄託其子義晴於義村。十



二月。義村奉義晴。潛去。置鹽。到榛谷。賴族人衣笠五郎左衛門。會弘岡左京進。別所則之等。起兵于五著。而叛義村。義村又逃走。東條玉泉寺。尋村宗。乞和。大永元年四月。入英賀遊清院。七月。村宗奉義晴。入京師。幽義村于室津實佐寺。二年九月。爲村宗刺客菅野。花房。岩井彌六等遇弒。中國平記。法名了堂。姓圓。號禪光院。系圖、城、主歷代。子晴政。

晴政。本名政祐。父遇弒。而小寺政職。浦上村國。穴栗心有等。保護政祐。起於淡路舟渡福函。而舉兵于大貫上峯。中國平記。村宗率兵攻之。山名某自但入。勸行。

成。村宗收兵。無幾復起。兵接鬪。村宗迎播磨守子德法師于舟渡。寘之室津。德法師剃髮。號寒松軒。徙居古知莊。反戰數回。寒松終戰死。享祿五年。村宗援細川常桓。而陣于天王寺。政祐密與阿兵謀。欲復父讎。陽稱援。村宗以明石修理亮爲先鋒。而東上。時村宗陣中風說。政祐救阿兵云。部伍騷亂。時政祐次西宮。六大寺。或謂村宗兵來襲。乃徙陣于神尾寺。村宗欲探虛實。來見如平素。而歸天王寺陣。陣中益騷擾。遂潰。徙舟涉渡邊岸。或沈舟墜橋。死傷者夥。又被追擊。沈溺野里渡口。村宗亦溺渡邊川。浦上六郎左衛門。

內藏助移陣于尾碕。佯謂乞降。到神尾。下武庫川。明石掃部等擊克之。時享祿四年六月四日也。赤松天文七年。政祐在置鹽山。尼子政久與山名豐治謀自但馬入寇。國人弘岡某等叛而黨之。政祐徙居于梶原。駿河高砂第。七月。小寺明石等又叛襲高砂。政祐走淡路。馳入于阿波。憑細川晴元。八年四月。政祐與國人舟到明石。攻明石城。明石父子乞降。乃陣于神吉常樂寺。小寺猶不服。據五著城而禦備。政祐移居三木城。赤松十一月。大將軍義晴賜諱字。更名晴政。赤松記。○同。叙從五位下。任左京大夫。赤松記。再興。書云。初政村。叙從五位下。任左京大夫。記。歷名土代。

後改下野守。陰德太尋聞別所氏通尼子氏。是月二十五日。遽徙界浦。入海會寺。九年正月。到播磨英賀。赤松二十三年十月。晴政在置鹽。使兵攻明石城。乞援於三好長慶。小鹽某來服。陰德太晴政有弟。稱佐用中書。晴政竊謀奪其食邑。中書察之。不赴館野。或諫令輯穆。迎中書於館野。招醺。更闌。中書醉臥。從士皆去。訪其父兄。有佐野十兵衛者。獨不去。請傍主而臥。女媼謂曰。母氏有命。禁宿直。十兵衛不得已去。而宿外殿。中書果遇殺。明日晴政諭十兵衛。令歸仕。固辭還佐用。託中書孤兒及我妻孥於三木別所氏。登

高野山。建碑于赤松院。而仕三好長慶。去從尼子晴久。請伐播先導。輒久以山中幸盛爲將。伐播州。拔駒山城而據之。與赤松氏戰。尋幸盛聞毛利氏北討。託兵士於十兵衛而歸。出雲不得再出。駒山爲孤旅。晴政乞和。取城祿十兵衛云。中國治亂記。子義祐。義祐逸史。村任兵部少輔。上總介。系圖。宇喜多直家構讒。與浦上宗景矛楯。義祐送款於織田信長。永祿十二年十月。池田勝政。伊丹親興等援宗景。遂逐義祐。中國太子則房。初字彌三郎。自幼仕信長。天正十一年。從羽柴秀吉于賤嶽。豐臣譜。叙從五位下。任上總介。東遷基業。花押

數。十三年五月。徙食邑於阿波一萬石。治亂記。關原亂。黨大坂。軍潰潛匿林藪。爲與平信昌兵所殺。基業。


○野史氏今按菘原隨筆云。赤松廣秀稱左兵衛督。律師則祐十世孫。世居小鹽城。爲宇喜多直家女婿。食阿波田一萬石。○慶長通鑑云。廣秀以宇喜多氏女婿。與諸將攻丹後諸城。通志於東師。憑龜井茲矩。茲矩許諾。俱攻鳥坂城。先登而死。茲矩未達其志於東府。故世統斷。○又東遷基業云。左兵衛尉則繼。則祐十世孫。小鹽城主也。初攻田邊城。而聞龜井茲矩爲東師攻鳥取城。往屬之。官部




氏兵終棄城而去。茲矩入城。則繼不得志。嘗爲宇喜多氏女婿。故是歲十一月二十九日。賜死于鳥取。有子爲僧。入高野山赤松院。同書式云。石州濱田城主齋村左兵衛則繼。則繼作廣房。齋村乃赤松也。○按豐臣大閣葬式帳。有齋村左兵衛尉。食邑二萬二千石。赤松上總介食邑一萬石。前載廣房則繼。疑同人歟。然載先登而死云。賜死云。事似異。俱則祐十世孫。小鹽城主云。何時誤作別人矣乎。又本文則房稱上總介。食阿波田。庚子役遇殺。又中興武家盛衰記云。刑部少輔則房者。信濃守

則慶之後。食阿波田一萬石。庚子役黨三成。軍潰。因福島正則請赦。弗聽。十月朔。自殺。諸書紛紜。未得其正據。姑附以俟後考。

赤松貞村。圓心入道二男美作守貞範曾孫也。任伊豆守。嘉吉之變。與諸將攻滿祐于白旗城。實錄、初名村任。大將軍義教屢被眷遇。會弑逆之日。力不能抗。又不能殉。幕府議不加賞罰。又不問是非。當歲初獻椀飯。傍人或嘲之曰。發椀飯精力於播州。對滿祐縱一矢。過於式裝華麗遠矣。貞村聞之。憂惋悔慚。遂成病而卒。嘉吉記、實錄



野史卷一百三終



赤松祐則。倭史後編引別記及字三郎。播磨入道滿
 政子也。貞村憂死而後。赤松一族莫一人仕幕府。初
 滿祐之亡也。明德之亂。以祐則祖父滿則戰死。且爲
 四職之一員。嘉吉二年。殊赦祐則出仕。赤松氏遺士
 擁祐則。謀滅山名氏。歷攝津。入播磨。屢挑戰。軍敗兵
 死者數千人。祐則與父滿政。入有馬郡自殺。嘉吉後

編引皇記東寺過去帳

